

*Ecclesia habet excommunicandi potestatem
sibi à Deo concessam.*

Viribus Inferni fufis, spolia ampla reportans
Ætheream victor Christus rediturus ad Aulam
Sic placido sermone *pios* affatur *amicos*.
Vobis grata manent cœlestis gaudia regni :
Ite mei fratres, vobis datur ampla potestas
Quos infra solvetis, eos absolvet *Olympi*
Rektor, constrictos vinc'lis constringet & ipse.
Hæc ubi dicta dedit, cœli sublimis ad arcem
Fertur, supplicibus celebrant nova gaudia votis
Bis seni Preceres, & sanctum Numen adorant.
En ! tibi concessas cœlorum Ecclesia *Claves*.
Ecce ! tuos fasces, Sceptri'que potentis honorem
Quo fontes animas, *alias educis ab orci*
Faucibus, atque *alias ad tristia Tartara mittis*.
Iustitiæ leges, vitæque salubria iussa
Ingratus calcat ? nil verba precésque movebunt ?
Pelle pio cœtû, iustôque *anathemate* damna,
Et templi simul & cœli prohibeto profanum
Limnibus : vinc'lis his, hæc compesce catenâ.
Non hos *Pellæi* gladii violentia nodos
Perrumpet, non arguti subtilis *Erafi*
Dissolveth ratio : frustra præscribere tentas
In Sacris *Medicus* : tua te medicina docebit.
Cum tua mortiferis infecta est dextra venenis,
Cum nil plasma valet, dimitte *Machaonis* herbas,
Ense recidenda est nè pars sincera trahatur.
Si vos persteris sana inter vinc'la minaces,
Nil mihi vobiscum est, procul hinc, procul ite Prophani,
Ite, animos purgate, *Orci*que inhibete rapinas,
Jam revocate gradus, *vestigia multa retrorsum*,
An peccâsse dolet ? Qui vos jubet ire, reducet.
Hæc *Satanæ* firmos evertet Machina muros.
Amisssi redeunt Divinæ lucis honores,
Exultant homines, exultant agmina cœli.
Hos reduces pennata cohors, cœlestia castra
Expectant lituis, & cantibus æthera mulcent.

*Orationes, oblationes, & eleemosynæ quas
pro mortuis Veteres faciebant non pro-
bant Purgatorium Romanense.*

Hem pia *Roma*, dolis plus quàm insignita triumphis,
Quàm sapis ad quæstus, ingeniosa, tuos ?
Quid portenta crepas tua, *purgantésque caminos* ?
Purgantes novit quis nisi *Roma* focos ?
At Veterum cautè sequeris vestigia *Patrum* :
Nil *Romæ* placet in religione novum.
Antiqui inferias solvère ad funera *Patres*
Orantes sacra ad busta piósque rogos,
Fuderunt pro defunctis libamina, amicis
Perfectâ optârunt luce, quiete, frui.
Tûne igitur flammæ, & *Purgatoria* fingis ?
Hoccine Sanctorum dogma fidésque *Patrum* ?
O habeas aliquem fingendi, *Roma*, pudorem :
Ignorant *Limbo*s secula prisca tuos.
Innocuo Sancti *Patres* errore tenentur,
Forsan & hos nullus, nè levis, error habet.
Utere consimili si possis, *Roma* colore ;
Dogma tuum *Stygia* crimina fraudis habet.
Scilicet haud exempla *Patrum*, sed amabile lucrum
Romæ Pontifices sic jubet esse pios.
Hinc tanto *Papæ* solium venerabile cultu,
Hinc fluit in gazas *Indus* uterque suas.
Hinc *Monachi* genio indulgent, pinguisque sacerdos
Hinc ventris farcit sesquipedalis onus.
Hinc pro fictitiis plagis, pœnísque jocosis
Crebros aureolos frater obesus habet.
O ter felices, quos plenior arca beavit,
Qui nummo possunt conciliare Deos.
Væ gregibus vulgi ! hos paupertas improba damnat :
Ad *Stygias*, tuleris si nihil, ibis aquas.
Non sic extorsit sibi vectigalia *Christus*,
Illi pauper enim gravior hospes erat.

Jul. 1. 1684. In die Comit. Resp. Johan. Hutchin, S.T.B. Coll. Div. Joh. Soc.

Not. - ut - 9